

明清筆記叢刊

霞外攬屑



71457
1025
2

霞外攬屑卷四

山陰 平步青 景孫 署

夫移山館計聞里事

會鄮檜

晉書地理志。咸和五年。以王舒爲會稽內史。舒以父名會。不拜。詔改會爲鄮。卷七十六舒傳同。庸按。左傳僖公三十五年。文夫人斂而葬之鄮城之下。杜注。鄮城故檜國。在滎陽密縣東北。又襄公二十九年。自鄮以下。詩檜譜。正義引世本。會人卽檜之祖也。漢書地理志。號檜爲大。師古曰。會讀曰鄮。字或作檜。說文解字會部。會。木部。檜。皆非地名。邑部鄮下。祝融之後。姦姓。所封滑、洧之間。鄭滅之。从邑。會聲。古外切。是鄮爲正字。會爲省文。或作檜者。段借字也。參同契。鄮國鄮夫。幽谷朽生。朱子注云。當作會稽。或是魏隱語作鄮。徐文靖管城碩記。亦引晉書地理志。而又云或當時本云會國。而注錄之家。因改爲鄮國也。似未檢孔疏。顏注并許君說。

餘姚二城

餘姚縣治夾江南北二城。相傳新城爲明世宗築。以居謝文正者。西河合集江寧北捕通判呂君墓

表云。世宗重太傅。先於餘姚建相國里第。爲別築一城居之。復於郡治山陰地。更造行府。則以爲爲文安築。唐按。紹興府志^{卷四十七}人物呂本傳云。建議築新城於姚江南。爲鄉里保障。卷二地理云。江南城。明嘉靖三十六年。以倭患建。徐階記云。議始於文安。郎中邵德久上疏。言江南不可以無城狀。天子可之。於是總督都御史胡宗憲。實典領其事。工始於丁巳九月己卯。次年六月辛卯成。據府志。相傳語不足據。毛表亦無稽之言。而闕入金石。未免失之不考。昔人於西河集多不滿。微特經學。卽文章亦宜分別觀之。

毛西河

蛾術編。鄭氏品藻。朱勝非紺珠集引雞跖集。王弼注易。刻木偶爲鄭康成像。見其所誤。輒訶斥之。西莊案云。雖屬笑端。如弼之妄。此事容或有之。唐按。太平廣記引幽明錄。但云王輔嗣注易。輒笑鄭康成爲儒。云老奴無意。無刻像訶斥事。綠雪堂集^{卷九}跋鉛山先生請重修應宿閣書。引鉛山言。謂西河奴視朱子。幾同讎敵。及病危。自囑其舌稱快。舌盡乃死。此語見忠雅堂文集^{卷八}。再貽寧紹台道漆蘭谷觀察。不知何本。西河詆毀朱子。詞氣激嫚。有失著書體裁。以此不得入國史儒林。而列文苑。越人相傳。謂其東槩爲朱子像。注有誤處。輒撻之。一如輔嗣之於康成。則又附會陸宅之事。堅瓠集卷二。陸居仁讀論。孟。刻朱子像。見有批繆。則羣像一下。宅之卽代爲對曰。朱某誤矣。而轉譌滋甚也。

儀禮易讀

綠蘿山莊詩集

卷十

懷人雜詠上之三十馬明經德純。自注。住瀕海岳聖村。授徒注經。訓詁儀禮一

編。名曰先路。時以碩果推之。庸按。紹興府志儒林。馬馴字德淳。會稽人。年踰四十。始爲山陰諸

生。自號曰書饑。著有儀禮易讀十七卷。積四十年乃成。又有禮經先路十七卷、碩果錄十卷、四書

偶見六卷。卒年九十一。

據范家相詩譜自序。在乙亥丙子年。

今易讀坊間有傳本。里塾盛行。先路三種。入府志藝文。

而未有刊本。亂後殆已亡佚矣。

金士騰

金五芝士騰詠烈堂合集自敘云。今世學詩之徒。類附合流派。不求自得。魏武云。創之者富。隨之者貧。非處勢異也。凡能自特起者。類有絕人之姿。累漸之學。而俗儒新生。朝見而夕爲之。規其句調。謂速肖耳。其理乃愈隔絕。遂復相繼訾笑而咎前者。實非前者之咎也。五芝字于上。明末山陰增廣生。龍武中。協訓總兵芝田冠第三子也。爲黎博菴門下士。晚號鏡渥。萍鷗侶。其集未梓。

金硯

金庭新硯明事摘略自敘云。蓋以補陳建通紀、沈國元從信錄、高汝拭法傳錄之闕。采其未備。勸成一書。而以靖難忠臣略、甲申殉難略、乙酉補諡攷、丙戌殉難略、有明歷朝三元攷附焉。其書今

皆不傳。硃官莊浪典史。終雲夢典史。五芝族子。皆見湖南金氏譜。

宋昱非昱亦非祖昱

李集鶴徵錄。

卷七。宋昱。古夏字。

本名如鏐。字懼聞。山陰人。前諸生。居江頭里。著有廳堂詩鈔。秦瀛

己未詞科錄。則作宋昱。云一名祖昱。唐按。李錄是。而秦氏本竹垞手錄續題名單之誤也。蔣晦宋

仲眉傳云。其先某。自宋家塾贅居江頭邨。父蝶菴。有聲國學。兄弟四人。伯叔季皆游於庠。歲戊

午。原本作庚申。誤。叔氏是舉鴻博不就。今僑寓樵李。宋長白柳亭詩話。卷十。從孫懼聞昱。有感遇百首。名

負一時。梓以問世。後以博學鴻詞薦。不赴。其子潯爲松江別駕。父子俱歿於官署。有一孫。棄家

爲僧。詩亦無有傳之者。又。卷二十。秦亭生平著述甚富。歿後乏人經理。大兒昱手訂其稿。是昱爲

岸舫從孫。本名如鏐。昱爲岸舫長子。本名祖昱。昱形近而譌。小峴併爲一人。戴璐吏垣牘略。

作布衣宋昱。本不誤。李亨特紹興府志文苑云。宋祖昱。字西洲。父俊。乾隆丙辰。以博學鴻詞徵。

不赴。下注采訪。則亦以昱爲祖昱。又譌康熙己未爲乾隆丙辰。則視竹垞、小峴爲更誤矣。

岸舫原名俊。字長白。以字行。號岸舫。又號觀弈道人。又有梅谿、菊籬、半齋、無證、慎旃諸印章。

昱字斌貽。號西洲。著有西洲類稿。柳亭詩話。卷十六。云。次兒晟。歸自嶺南。按晟字□□。號西椒。亦

作西樵。卷三、卷五先大夫字屢見。是岸舫父曾官山西。康熙乙卯六月。自侍御舊宅。徙居墨蓮

巷。爲青藤故里。卷二十七云。先公避世以後。手不釋卷。家庋賜書萬卷。朱墨淋漓。兵燹之餘。散亡過半。考題名碑。崇禎戊辰。有宋運昌。字天岳。號明翁。山陰人。官龍泉知縣。或行取入臺。國變不仕。未知是其人否。卷十五孫德參宣化家姪同榜生。考宣化爲康熙丁未進士。題名碑有仁和宋嗣京。殆即其人。天岳。天啓甲子。亦以仁和籍中式也。卷二。徐銓成。字御占。爲余同年生。則岸舫嘗舉拔萃。它書作上舍生者誤。後入姚啓聖、吳興祚閩中幕府。又有彤史嫩一書。今不傳。卷五。家弟存軒。名偉。子名祖勛。益可證祖昱之爲昱初名也。

何經文

聖武記

卷十

武事餘記云。雍正元年。貴州討廣順府之長寨苗。提督楊天縱。連克五十餘寨。獨羊

城國未下。

撫臣何世璠。檄安順知府何經文佐其軍。壁聳千級。左徑如綫。陳碑作聳壁千仞。左傍徑如綫。官軍東

手。經文問曰。

國何以名羊城。土人陳碑作盧生對曰。中曰外壁。陟不可上。惟羊可上。故名。經文即揚

言。吾且令士卒攀厓衣襲。而陰市羊數百頭。斷水草二日。會夜。大霧晦黑。乃設伏。縱羊山中走。

斂草蔽蔽有聲。賊聞。以爲我軍四面至。遽下木石。弩礮如雨。良久。度且盡。而所遣敢死士八百

人。已直趨左徑突登。殺其守關者。賊驚亂。自相藉墜厓死。遂斬其渠賀連莽、李奇。降其衆。此見

陳兆崙文集。庸按。宋史

卷三百四十八

趙適傳。政和五年。晏州夷酋卜漏反。據輪縛大國。其山崛起數

百仞。林箐深密。夷奔潰者悉赴之。乃壘石爲城。外樹木柵。當道開阡阱。仆巨枿。布渠答。夾以守障。俯瞰官軍。矢石所中皆糜碎。遁軍不能進。間從巡檢种友直、田祐恭按視其旁山。厓壁特峭絕。賊恃之無守備。適欲襲取。命友直、祐恭軍其下。而身當賊衝。番軍迭攻之。未旦。鼓而進。迨夕則止。賊并力拒戰。不得息。友直所部多思黔土丁。習生險。而山多生獐。適遣土丁捕之。伐去蒙密。緣崩石挽藤葛而上。得獐數十頭。束麻作炬。灌以膏蠟。傳於獐背。暮夜。復遣土丁負繩梯登厓顛。迺縋梯引下人。人銜枚挈獐。蟻附而上。比雞鳴。友直、祐恭與其衆悉登。擁刀斧穿箐入。及賊柵。出火然炬。獐熟狂跳。賊廬舍皆茅竹。獐竄其上。火輒發。賊號呼奔撲。獐益驚。火益熾。官軍鼓譟破柵。遙望見火。麾衆躡雲梯攻其前。兩軍相應。賊擾亂不復能抗。赴火墮厓死者不可計。俘斬數千人。卜漏突圍走輪多國。追獲之。晏州平。經文之用羊。與適之用獐。前後若出一轍。在經文未必仿宋史而行。宇宙間何代無才。增竈減竈。皆古人已事。不必謂田單火牛古法。可一用不可再用也。

沈鎮東封尚義伯非保定

蕭山長巷沈氏宗譜。卷二十四。有崇明參將晉封保定伯辰所公傳。辰所。名鎮東。崇禎甲戌武進士。選平望守備。升崇明參將。甲申。聞京師陷。謀起兵赴難。會福王立。乃已。以馬、阮擅國。棄官歸。魯

王監國。起總兵。加都督。封保定伯。以糧不足。欲令諸帥畢西渡。沈舟破釜。爲不反之計。無應者。退守富陽。王航海。鎮東行脚去。不知所往。而卷三世系鎮東下小注。生萬曆庚寅四月二日酉時。卒順治庚寅十月二十七日巳時。似杖錫歸來。首邱正斃。幸矣。第據西河合集云。魯王航海。保定伯毛有倫扈宮眷及世子出海。旋歸命新朝。不言所終。荒朝搶擾。爛胃羊頭。原不足怪。第鎮東、有倫。何以同封保定。據沈冰壺勝國傳略卷五。魯王死事諸人傳下。于穎傳附沈東云。武進士沈東。以募衆封尙義伯云。傳後附記云。沈東爲洪內院所取士。遁匿其家。久之事解。贈資賀遷。航海歸。遇颶風。舟覆。僅以身免。以窮老終於家。其鄉人猶嘖嘖談尙義事。指某地爲帥府暨幟處云。是鎮東所封爲尙義。非保定。沈譜似誤。鎮東。邵氏思復堂集作振東。傳略止作東。傳略與鮚埼亭集于穎事略同作振東。爲是。同時振東族弟青來邦通。輸餉助守固陵。亦授官總兵。旋即棄歸。補堂錄其六世孫也。撰傳亦見譜中。

白洋朱氏

白洋朱氏。自襄毅公功在蜀、黔。簪纓繼起。魯監國時。有公族弟贊元。字懋聲。號振岳。少極貧。以族子兆柏官翰林。賣卜京師。內監神其卜。薦入高起潛幕。授都司銜。朱大典視漕。兆柏鄉舉同年生也。以贊元侏之。署巡漕游擊。旋薦之鳳督馬士英。南都擢都督中軍僉事。已由海道走歸越。

授閣臣田仰。仰授爲後軍都督同知。挂將軍印。已復投大典。命防守蘭谿。丙戌八月城破。與弟寅元俱戰死。妻王氏投井死。子兆麟、寅元子兆鳳。俱不知所終。兆柏。襄毅兄宏翰長子也。宏翰字懋德。號清埜。兆柏。天啓乙丑庶吉士。由檢討歷詹事。辛巳九月奉母諱。歸南都。以士英柄政。不出。監國起長禮部。兼攝銓政。時方、王擅國柄。兆柏裁之。丙戌卒。襄毅仲子兆宜。字仲含。號壺巖。甲戌以諸生襲錦衣衛指揮使。壬午擢南鎮撫司僉書官事。乙酉守戰江上者一載。已入越城。同張蒼水奉監國返台州。由海門下舟山。見城孤不足恃。復歸。會蒼水於駝峯之顛。監軍管從龍率舟師來會。謀西渡從龍。忽拔營徑去。蒼水亦以無軍入會稽山。兆宜憤鬱。遂病。間行至嘉興。嘔血斗餘死。年四十七。子用礪。官永平同知。族弟兆殷。字夏夫。號華臣。崇禎丁丑年十八。補諸生。壬午。於蒼水房師山陰令錢世貴之門。一見定交。甲申再會。乙酉蒼水來行朝。兆殷與兆宜亦率副將余應元、都司王有功等從海道駐兵小鹽。後監國返台州。下舟山。兆殷徒步乞師。遣客魯恂招蒼水。會於駝峯。終以兵單不可爲。蒼水上會稽。兆宜去橋李。兆殷由夏履橋入暨陽。復與蒼水同事舟山。蛟門之敗。兆殷潛歸。蒼水正命。初葬寶俶塔。後移南屏。兆殷每歲寒食。素衣草履渡江。約同志數人。釃酒悲號竟日焉。四人者。不愧襄毅家風。譜皆有傳。因掇其略。以補雙韭蒼水神道碑所未備。譜作於兆殷。其傳不知何人所續。亦不言所卒之年。小腆紀敘搶攘一年。閩史

闕如。行朝僅錄故國喬木之枝葉。隕蝕不傳如夏夫者。又豈少哉。

妒婦傳

予所見白洋朱氏譜。僅鈔本二帙。皆家傳。非全譜也。卷端有順治戊戌仲冬夏夫序傳。分子目十六。曰碩隱、筮仕、儒林、逸民、遺佚、游俠、正己、射書數、合三爲一傳、貨殖、方士、日者、畸行、懿範、烈婦、節婦、妒婦。各繫以小序。妒婦傳序曰。后妃不妒忌。而子孫衆多。夫妒不至於絕嗣。而妒必不傳。吾越素稱朱門。然先世亦未有聞者。及今自來氏始。其詳有足傳者。陋而多智。貪而無禮。憑藉世資。坐致數萬。昔亭陶備五刑。以懲無良。彼特倣而二十之。以治妾媵。凡所爲輒不經意。卒至亡家絕嗣。斃斃一身。荷荷而死。是亦可以鑑矣。爲作妒婦傳。傳云。妒婦來氏。乃士服先生之妻。貌甚陋。士服諱兆棠。幼縱酒。不好讀書。然天資過人。遇試亦隨手成文。補邑弟子員。與兄詹事茂如公不類。娶蕭山來氏。夫婦頗相稱。苦妒甚。無子。士服懼之。婢有幸者輒斃之。略有不可其意者。盡備五毒。夜以浴盆著水。使士服頂跪達旦。盛夏時。但聞躑躅聲。終夜不絕。人於隙窺之。則爲蚊蟲所窘。兩手按盆不能撲。以雙足數易而已。它事多類此。卒以絕嗣。後有婢嫁潘姓。生子。父清楚公令歸。爲之延師肄業。多方欲其成人。聘諸暨進士史繼鰲女。輒不肖。竊契券嫖賭。傾家而去。考其生年。則士服卒後四年所產也。今以士揆公兆相次子用格承祀。按兆相。海鹽

次子。江上之役。以諸生佐餉事。妒婦有傳。爲自來譜系家創見。唐書藝文志有宋處道之妬記二卷書不傳。殆昔人作家稿机之意也。

朱存齋比部軼事

今古奇觀小說卷二十八有喬太守亂點鴛鴦譜一則。近已抽燬。然實明嘉靖時白洋朱存齋比部登官松江通判攝府時事。據家傳。俞姓者未婚。適壻違疾篤。舅姑欲納婦以徵喜。姻畢即返。卻之不得。行將恐其勿愈也。致累吾女。遂以弟文之而往。至則其壻果因疾篤不能起。而以其女弟文之而將事。留廟見。不即返。仍以其女陪嫂宿焉。歸寧之日。始覺爲婦所賣。訟之公。公詢之。俱未冰聘。因判合焉。載在傳奇。彰彰如也。譜所云傳奇卽此齣。特易朱爲喬耳。朱後官南刑部廣東司郎中。嚴嵩壻犯法。一日殺七命。撫按不敢問。有控之南部者。公與大司寇何鼐按其事。嵩以二函一投公。一投鼐求釋。公超擢。鼐北轉。廷鞠時。公廉得其實。竟議辟。鼐懼。以嵩屬懇公。公峻拒之。鼐愈迫。計無所出。遂親至公案。以手止公。因令公成牘。公憤甚。因以墨塗鼐面。直指其奸。相爭於堂上。毀冠裂袍帶。棄官歸。而鼐因是得移北。有殺楊忠愍公之獄。蓋舊制。卽執筆。尙書籤押而已。比部有此大節足傳。其判俞氏婚。亦隱惡得情。不害其爲良吏。或以游戲作劇。譏之過矣。譜又有饒州同知海豐公啓元傳云。鼐葬父詔於塗山。卽西辰山。之陽。毀寺爲塋。山上平陽數十畝。

相傳禹會諸侯地。屬官。嘉靖癸卯三月。有僧結茅其旁。鼇孫繼高以朱氏有墨塗鼇臉之讎。以公名首之撫。按。越中官會勘直公。繼高不得逞。欲俟公入城殺之。公跳去始免。按繼高爲鼇兄鎬孫。見西溟撰其孫宏仁銘。非鼇孫。傳脫一從字也。堅瓠癸集^{卷三}。姑嫂成婚條。引暇弋編作孫涓。劉女。其判語與小說略同。祕集^{卷四}。引濯纓亭雜記。則又以劉爲王。正德間事。殆一事誤傳。

蛾術堂集

蛾術堂集十四種。蕭山沈小專先生^豫箸。說經諸則。仿日知錄。袁浦札記亦有心得語。四六學六朝。初唐四傑。尙有可採。散文則未能免俗。安徽通志緣起一篇尤淺易。韻語亦下駟。讀經如面僅涵詠文義。無所考證。皇清經解淵源錄。經解提要二種。僅止數葉。似未成書。淵源錄頗不滿於江氏尙書集注音疏。程氏通藝錄尤致詆牾。二書具在。小專似未深究良庭。易疇堂奧也。淵源外編列書十二種。直錄簡明目錄語。鮮一字發明。殆鈔撮將爲論述張本。門人不知。誤入之。以爲著述之一種。若以周官祿田攷爲齊侍郎作。蓋沿經解總目之誤。然提要中所採書後一段。卽冠雲原本。況篇末明有形又云三字。又版心刻沈徵君周官祿田攷八字也。卷端列王南陔、戴金谿、張鹿樵、湯惇甫、毛春門、王小穀六先生鑒定。殆引以爲重。六公未盡見其書。否則春門傳臚辛未以吏部主事用。並未入館。湛園爲康熙丁丑一甲三名。己卯以北闈試事。卒于請室。並未受知世宗。且

一甲二名爲嚴虞惇。龍首爲李蟠。非李紱。不應全未糾正也。每卷尾署弟子某校。而全書奪文諱字。複出失刪。不可勝校。就予所知。乙之苦不能盡也。宗滌翁作傳。推小塲爲吾越漢學之碩果。重論文齋筆錄中。有此書敍。推爲詞人學人。合竹垞、西河之長。阿其所好矣。

茹韻香先生

少時及見茹韻香先生藥。循吏三樵兄子也。以乾隆丙午副貢生。官松陽訓導。年至八十。腹笥便便。四部七錄。信口援引。詩文奇速。頃刻萬言。著有吟花書屋詩草百餘卷。無力行世。亂後皆燬於賊。惜哉。先生在時。曾錄定稿十六卷。屬杜尺莊徵君付刊。未果。爲先生外孫阮定山茂才福康

取去。今藏定山弟孝遴比部

福昌

紅杏山莊。按列朝詩集丁上。李少卿開先爲文。一篇輒萬言。一

體輒百首。不循格律。詠諧調笑。信手放筆。袁履善。名福徵。華亭人。詩集甚富。每一題。輒蔓衍

百餘首。拖沓詰屈。王元美嘗醺客云。今日分賦。戲作袁履善體。袁中郎記其事以爲笑。

見閱袁履善詩

啓禎野乘。

七卷

文光祿父在茲。以程文奇爲禮官所糾。遂不復仕。作梅花詩至萬五千言。太青晚作

嘉蓮詩。七言今體至四百餘首。亙古未有。吳城雲螭齋詩話。吾讀方密述懷二百韻。歎爲奇絕。已

如讀三都賦。至闕中文太青。有三百韻詩。便當盡焚古今經史子集。單看此一篇排律矣。池北偶

談

卷十

七。鄧耀條。善細書。絕技擅場。所書洛神賦。縱橫僅寸餘。竭目力。始悉其縷析絲分。毫芒彪

炳。八法精勁。行伍井然。又能於粒米上書一絕句。異哉先生之才。奄有李、袁、文氏父子、鄧彰甫之奇。而無其失。弇州見之。定不敢薄視。然卒以稿本繁夥。藏度未行。平原才患其多。與武林吳慶百同病。可一慨也。

王南陔中丞恭甫上舍著述

王南陔中丞紹蘭著書二十七種。漆書古文尙書逸文攷一卷、杜林訓故逸文增桑欽古文尙書說地理志攷逸一卷、中文尙書增董仲舒詩說箋一卷、匡說詩義疏一卷、儀禮圖十七卷、國朝八十一家三禮集義四十二卷、王端履纂誌銘作禮堂集義、周人禮說八卷、夏小正逸文攷一卷、齊論語問王知道補亡一卷、周人經說八卷、石渠議逸文攷一卷、漢魏石經遺字攷二卷、王誌無、凡將篇逸文注一卷、說文集注一百二十四卷、王誌云一百二十四冊未及脫稿、說文段注訂補六卷、漢書地理志校正二卷、袁宏後漢紀補證三十卷、王氏泰支瓜瓞譜七卷、管子地員篇注四卷、弟子職古本攷一卷、老莊急就章一卷、呂氏春秋急就章十四卷、王誌無、讀書雜記十二卷、許鄭學廬存稿十卷、初名思惟居士存稿、古詩鈔二卷、李杜詩錄四卷、唐人宮詞鈔三卷。尙有少時所刻廣雅樓試卷。林謫人世丈式恭言。幼時見其說文注。稿盈十餘插架。無慮千數卷。蓋欲舉四部巨帙隻字。盡納之洊長書中。其後定本爲一百二十四冊。此乃捃摭叢殘初稿耳。長子延之上舍曼壽。字恭甫。能傳其學。著有易義述聞一卷、撰著說一卷、十三經音彙十

三卷、唐人經說鈎沈二卷、後漢紀誤字校一卷、三輔決錄逸文攷一卷、會稽典錄逸文一卷、會稽先賢傳逸文附王隱晉書逸文一卷、靈素志疑二卷、甲乙經輯注十二卷、王叔和脈經校譌一卷、金匱要略脫簡附尙友紀聞三卷、大蘇詩文鈔二卷。存稿外皆未刻。辛酉之亂。書頗散佚。幼子道甫大令養壽僅重刻許鄭學廬文八卷於保定。光緒癸未夏。吳縣丞趙某得集注一百十九冊、周人禮說、周人經說、說文段注訂補三種。公孫子植明經寶藏以泗洲胡雲楣許爲梓行。二人舉稿本贈之。又有仁和吳穎芳西林說文理董四十卷。亦未行世。近時講小學者未之見。爲海內無第二本。亦歸之。卷帙繁夥。汗青恐無日也。經說歸吳縣潘大司空。刻入功順堂叢書。段注訂補十四卷刻於戊子。管子地員篇注四卷刻於庚寅。近楊佩瑗取其前編殘稿刻入大亭山館叢書。後編未刻。若前編之餘卷及正編。楊未之見也。

汪南城

汪龍莊先生。循吏傳中人物也。著述等身。詳別卷。長子繼壕。字南城。號後莊。候選布政司經歷。著書二十種。左傳同名錄、說文檢字、古今韻檢、讀史劄記、餘暨舊聞、元號韻緯、國朝進士分姓部居、明進士分姓部居、國朝書學、金石文跋尾、金石時地表、北苑貢茶錄注、北苑別錄注、煙草譜、求己衷言、責實瑣論、太上感應篇攷原、二十四孝攷證、南城筆記、後莊叢書。就所名核之。左傳同名錄。所以補龍莊先生九史三史二十四史同姓名錄三書之闕。說文檢字。未知視毛謨本如

何。元號韻緯。未知視李兆洛紀元編如何。進士分姓部居。則可以省題名碑錄繙閱之煩。此邵位西、張石洲所欲爲而未暇者。國朝書學。當可續萬石園書學彙編之後。金石時地表。當可補孫淵如寰宇訪碑錄之遺。太上感應篇攷原。足證惠定宇箋注謂魏、晉人之有據。舊聞筆記。當亦有裨續修志乘者之採取。惜未付刻。亂後不知有藏本否。雲楣以僕所舉各書名。似得之汪氏硃卷履歷。疑爲本無其書。不復向蕭人探訪。

五經旁訓辨體合訂

坊本五經旁訓。越中童塾盛行。以其書省經文。皆大字接連便讀也。相傳上虞徐條夫前輩立綱督皖學時。以千金購之老儒。姓名不傳。原本各經卷首。仿經典釋文。詳載傳經源流。卷中上方。并隨文考據。精簡不蕪。使讀者略識窮經門徑。由此而求之注疏。津逮易入。亦接人用柅之意也。坊間翻刻。乃盡芟蕪之。僅刻旁訓。則失之簡略。且又譌文奪字。一不靳改。則誤人甚矣。徐本藏書家多有。能取而重刊之。亦發蒙之一助也。按升庵全集。卷二十九撫臺游可翁命周生太霞校刻五經旁註。因得駐五華精舍。晨夕晤語。遂有此贈。詩云。早從芳潤嗽餘津。理窟年來近道真。瑟舍由求鏗爾對。業同祖謝響然臻。陶詩。周生述孔業。祖謝響然臻。懸金呂覽言空詡。鏤石中郎跡未陳。白首無聞吾獨老。昭昭何用解祥麟。游名居敬。字行簡。延平府南平人。嘉靖壬辰進士。時官雲南巡撫。歷刑部

侍郎。太霞不知何名。游命校刻書。未必卽出游手。今亦不傳。不知視徐本奚若也。卷二十八有酬周生贈扇上刻詩韻。自注。周名宗堯。自長壽來省余。韓旻庵同會。周與韓皆余中表也。未知卽太霞否。

十一山山房

越城中八山。謂臥龍、蕺、陽堂、火珠、蛾眉、白馬、彭、東武也。後人以黃琢益之爲九。讓簷街土人。以街南土阜。戲呼爲第十山。後有人掘土得一碑。題曰第十一山。則不知十爲何山也。友人楊春生孝廉。少居讓簷街。署其書室曰第十一山房。予少時爲作跋。約略言之。今讀志隱齋詩鈔。卷三。有過十一山山房哭先師金雨田先生七古一篇。自注。先生於諸經皆有論說。尤精左氏春秋。因以授璋。雨田不知何名。當是嘉慶中人。亦不知居何處。春生殆聞與之合。亂後并屋宇皆爲榛蕪矣。

寒蘭蕩

從高祖火蓮居士餘菴碑記首云。自蘭亭谿壑之水。建瓴而下。由東北入城。瀝於小隱山之側。俗稱潭蕩。有漁梁曰何山橋。山小於拳。橫截水口。蓋求點之故里也。潭蕩之地。與水俱東。至是指餘菴右旋而住。田畛細流入池如偃月。左旋與潭蕩會。按祁忠惠公集。越中園亭記之三藝圃云。在偏